

[illegible]

1
2022

**FALSAFA va HUQUQ
ФИЛОСОФИЯ и ПРАВО
PHILOSOPHY and LAW**

ФАЛСАФА ва ҲУҚУҚ

Ижтимоий-сиёсий, маънавий-маърифий, фалсафий-ҳуқуқий журнал
2022/1 (№21)

Асосий қомусимиз кафили сифатида Конституция ва қонунларимиз талабларини сўзсиз бажариш, “Инсон қадрини учун” деган устувор тамойилни тўла рўёбга чиқариш бундан бўён ҳам фаолиятимизнинг бош мезони бўлиб қолади.

Албатта, инсон қадрини биз учун қандайдир мавҳум, баландпарвоз тушунча эмас. Инсон қадрини деганда, биз, аввало, ҳар бир фуқаронинг тинч ва хавфсиз ҳаёт кечирishi, унинг фундаментал ҳуқуқ ва эркинликларини таъминлашини назарда тутамиз.

Инсон қадрини деганда, биз ҳар бир фуқаро учун муносиб турмуш шароити ва замонавий инфратузилма ташкил этишини, малакали тиббий хизмат кўрсатиш, сифатли таълим, ижтимоий ҳимоя тизими, соғлом экологик муҳит яратиш беришини тушунашимиз.

Ўзбекистон Республикаси Президенти Шавкат Мирзиёев

Журналимизнинг мазкур сониди Ўзбекистон миллий университети, “Тошкент ирригация ва қишлоқ хўжалигини механизациялаш муҳандислари институти” Миллий тадқиқот университети ва Ўзбекистон файласуфлари миллий жамияти ҳамкорлигида “Янги Ўзбекистоннинг маънавий тараққиёт тамойилларини амалга ошириш жараёнининг долзарб масалалари” мавзусида 2022 йил 10 июнда ташкил этилган илмий-амалий анжуман материаллари ҳам чоп этилмоқда.

Таҳрир хайъати:

М.Н.Абдуллаева -

ф.ф.д., профессор

Б.Т.Тўйчиев -

ф.ф.д., профессор

Ж.С.Рамагов -

ф.ф.д., профессор

Г.Т.Махмудова -

ф.ф.д., профессор

В.Р.Топилдиев -

ю.ф.д., профессор

Қ.Н.Назаров -

ф.ф.д., профессор

Р.Ж.Рўзиев -

ю.ф.д., профессор

А.Ў.Ўтамурадов -

ф.ф.н., профессор

Ў.Ғ.Ғилавов -

ф.ф.д., DSc

Бош муҳаррир:

А.Г.Муминов -

с.ф.д., профессор

Му а с с и с: Мирзо Улугбек номидаги Ўзбекистон Миллий
Университети

Таҳририят манзили: 100095 Тошкент шаҳар,
Университет кўч., 4.

<https://nuu.uz/falsafa-va-huquq-jurnali/>

E-mail: falsafavahuquq-jurnal@nuu.uz

ISSN 2181-7294

Босишга 20.07.2022 да берилди

Бичими 60x84 Offset қозоғи. ЎЗМУ босмахонасида
ризографда босилди. “Times” гарнитураси. Хажми 23,75
б.т. Нашириёт ҳисоб табағи 30 б.т. Адади 50 нусха.
Буюртма № 177

Журнални нашрга тайёрловчилар
Қ.Назаров, А.Муминов, Х.Соқиев

Каланова С. М.	<i>Жамиятда авлодлар алмашинувининг социологик моҳияти</i>	106
Сентов А.П., Саидахматова М.К.	<i>Развитие ИКТ в Узбекистане как вектор развития теоретической мысли</i>	110
Мамарасулов У. У.	<i>Sport qoidalarining estetika me'yorlari asosidagi tavsifi</i>	114
Султонова Н.Э.	<i>Ижтимоий ҳаётда фарзанд учун ота-она ибрати, меҳр-муҳаббати ва жамиятда тутган ўрни</i>	116
Абдиев Ғ.Э.	<i>Ёшлар сиёсий онгини ривожлантиришида миллий қадриятларнинг ўрни</i>	123
Уринбоев Д.Т.	<i>Ёшларда ҳуқуқий менталитетни шакллантиришининг фалсафий масалалари</i>	127
Тоғасев Ш.Х.	<i>Миллий гоя ва мафқуранинг фалсафий-онтологик мазмуни</i>	130
Қалқонов Э.Т.	<i>Янгиланаётган Ўзбекистонда гендер тенгликни ривожлантиришининг ижтимоий фалсафий масалалари</i>	134
Бобоқулов Ш.О.	<i>Ер-ҳуқуқий жавобгарликнинг мустақил тури сифатида</i>	138
Ғаффарова Ғ.	<i>Фанлараро ёндашув йўналишлари: фалсафий таҳлил</i>	141
Иззетова Э.М.	<i>Интеграция научных дисциплин в контексте трансдисциплинарной методологии</i>	145
Ботирова Х.Э.	<i>Мустақиллик даврида аграр соҳа мутахассислари учун моддий-маънавий шароитларни яратиши</i>	151
Юсувалдиева Р.Ю.	<i>Умумҳуқуқий тамойиллар – ҳуқуқий сиёсатнинг асосий йўналишлари сифатида</i>	155
Равшанов А.С.	<i>Қишлоқ ва сув ҳўжалиги учун етук кадрлар тайёрлаш сиёсатининг концептуал асослари</i>	160
Қандов Б.М.	<i>Ёшларнинг ҳуқуқ ва эркинликларини ҳимоя қилишида ҳуқуқий таълимнинг ўрни</i>	164
Қўйилев Т., Рахмонбердиева Н.	<i>Минтақа хавфсизлигини таъминлаш Ўзбекистон ташиқи сиёсатининг бош мезонидир</i>	168
Ташметов Т.Х.	<i>Миллий гояни ёшлар онгига сингдиришининг илмий-фалсафий жиҳатлари</i>	172
Исмайлов А.З.	<i>Фуқаролик жамиятида ҳуқуқий онгнинг фалсафий онтологик асослари</i>	176
Адамбаев У.Х.	<i>Аргументлаш ва ишонч-этиқоднинг шаклланиши</i>	180
Махмудов М., Бердиев А.	<i>Маънавиятнинг ижтимоий омилларини оптималлаштириш – давр талаби</i>	184
Ражабов Ж.	<i>Жамият модернизациялашуви шароитида сиёсий онг ва сиёсий маданиятнинг ўрни</i>	187
Халилов Ж., Ахмедов А.	<i>Соглом авлод камолоти – ислохотлар мақсади</i>	190
Маматқулов Э.	<i>Янги Ўзбекистонда фуқаролик жамияти институтлари ролини ошириш</i>	193

**ЯНГИЛАНАЁТГАН ЎЗБЕКИСТОНДА ГЕНДЕР ТЕНГЛИКНИ
РИВОЖЛАНТИРИШНИНГ ИЖТИМОЙ ФАЛСАФИЙ МАСАЛАЛАРИ**

Қалқонов Э.Т. –
ЧДПИ доценти, ф.ф.н.

Мана 30 йилдан ошдики, мамлакатимиз “Инсон, унинг ҳаёти, эркинлиги, шаъни, кадр-қиммати ва бошқа дахлсиз ҳуқуқлари олий қадрият”, деган эзгу гояга содиқлигини намоён этиб келмоқда. 2022 йилнинг “Инсон қадрини улуғлаш ва фаол маҳалла йили” деб номланиши ҳам бу борадаги ислохатларнинг барқарорлигидан далалат беради. Ўзбекистон Республикаси Президенти Шавкат Мирзиёев таъкидлаганидек, “Кейинги йилларда мамлакатимизда хотин-қизларнинг ҳуқуқ-манфаатларини, гендер тенгликни таъминлаш, оила, оналик ва болаликни ҳимоя қилиш, аёллар ўртасида тадбиркорликни ривожлантириш, улар учун янги иш ўринлари яратиш, меҳнат ҳамда турмуш шароитларини яхшилаш давлат сиёсатининг устувор йўналишига айланди”[1].

Шунингдек, ўтган йиллар мобайнида Асосий қонунимизда белгиланган инсон ҳуқуқлари ва эркинликлари ҳимояси билан боглиқ нормалар асосида мустаҳкам қонунчилик базаси яратилди.

Айни вақтда Янгиланаётган Ўзбекистонда гендер тенглиги масаласи ҳам давлат сиёсатининг муҳим жиҳатини ташкил этади. Хотин-қизлар ҳуқуқлари, эркинликлари ва қонуний манфаатларини таъминлаш бўйича БМТнинг аёллар камситилишига барҳам беришга оид ҳужжатлари асосида қатор ҳуқуқий ҳужжатлар қабул қилинди. Буларда биринчи галда Ўзбекистонда гендер тенглигини таъминлаш бўйича мавжуд муаммолар кўрсатилди ва айни вақтда хотин-қизларнинг жамият ижтимоий, сиёсий-иқтисодий ҳаётидаги фаол иштироки тобора ортиб бораётганлиги, айниқса қишлоқ аёлларининг қишлоқ хўжалик ишлаб чиқаришидаги иштироки кенгайиб бораётганлиги кенг ёритилган.

Шуни алоҳида таъкидлаш лозимки, жамият ҳаётида гендер роли ва нормаси устуворлигининг гендер муносабатларига таъсири жиддий сезилиб туради. Буни биз меҳнат ва турли хизматлар бозорида гендер нотенглигида кузатамиз. Ушбу нотенгликларни бартараф қилишда 2018 йил 2 февралда эълон қилинган Ўзбекистон Республикаси Президентининг “Хотин-қизларни қўллаб-қувватлаш ва оила институтини мустаҳкамлаш соҳасидаги фаолиятни тубдан такомиллаштириш чора-тадбирлари тўғрисида”ги фармони[2] тарихий аҳамиятга эга бўлди.

Мамлакатимизда хотин-қизларнинг ижтимоий-сиёсий ва социал фаоллигини ошириш, уларнинг турли соҳа ва тармоқларда ўз қобилият ва имкониятларини рўёбга чиқариши учун шарт-шароит яратиш, ҳуқуқ ва қонуний манфаатларига сўзсиз риоя қилинишини таъминлаш, оналик ва болаликни ҳар томонлама қўллаб-қувватлаш, шунингдек, оила институтини мустаҳкамлаш борасида амалга оширилаётган кенг қўламли ишлар лойиҳаси яратилди ва у самарали амалга оширилмоқда.

Ўзбекистон «Минг йиллик декларацияси»ни имзолаган давлат сифатида декларациянинг мақсадларини давлатни ривожлантириш дастурларига киритиш ва Минг йиллик тараққиёт мақсадларини мунтазам амалга ошириш графигига риоя қилиш бўйича ўз зиммасига маъсулият олди[3: 52].

Ўзбекистон Минг йиллик тараққиёт мақсадларини амалга оширишда биринчи навбатда, қашшоқликни камайитириш, одамларнинг ҳаётини яхшилаш, жамиятнинг барқарор ривожланишида аёлларнинг ролини ошириш, эркаклар ва аёллар тенглигини таъминлашга қаратилган чораларни изчил амалга оширмоқда.

Мамлакатда таълим, гендер тенглик, соғлиқни сақлаш ва бошқа масалалар бўйича жиддий натижаларга эришилмоқда, бу эса аёллар фаровонлиги тўғрисидаги гамхўрлик билан бевосита боглиқ. Бу барча чоралар, биринчи навбатда, Конвенция, Пекин декларацияси ва Ҳаракатлар Платформаси, шунингдек БМТ 23 махсус сессиясининг “Аёллар 2000 йилда: эркаклар ва аёллар ўртасида тенглик, XXI асрда ривожланиши ва тинчлик” якуний ҳужжатининг қоидаларини сўзсиз бажаришга қаратилган[4: 60].

Сўнгги йилларда Ўзбекистонда мамлакатни тубдан янгилаш ва модернизациялашга, давлат, жамият ва шахс ўртасидаги ўзаро муносабатларни такомиллаштиришга қаратилган қонунлар қабул қилинди ва такомиллаштирилди. Айниқса, Хотин-қизларнинг меҳнат ҳуқуқлари кафолатларини янада кучайтириш ва тадбиркорлик фаолиятини қўллаб-қувватлашга оид чора-тадбирлар тўғрисидаги қарор, “Хотин-қизларни тазйиқ ва зўравонликлардан ҳимоя қилиш тўғрисида”ги ва “Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида”ги қонунлари мамлакатимизда

хотин-қизларнинг ҳуқуқлари ҳимояси борасида муҳим дастуриламал бўлди. Уларда гендер тенгликка ҳилоф бўлган барча чекловлар, хатти-ҳаракатлар тўлиқ тавсифланди. Жумладан, жамият ҳаёти ва фаолиятининг барча соҳаларида эркеклар ва аёлларнинг ҳуқуқлари ҳамда эркинликларини камайитиришга ёки тан олмасликка қаратилган ҳар қандай тарзда фарқлаш, истисно этиш ёки чеклаш жинси бўйича бевосита камситиш, сиртдан ҳолис бўлиб туюладиган, бироқ бир жинсдаги шахсларни бошқа жинсдаги шахсларга нисбатан ноқулайроқ ҳолатга тушириб қўядиган вазиятлар, ҳолатлар, мезонлар ёки амалиётлар эса жинси бўйича билвосита камситиш сифатида қабул қилиниши белгилаб қўйилган.

Ўзбекистонда аёллар ҳуқуқлари, эркинликлари ва қонуний манфаатларини ҳимоя қилиш бўйича изчил ва тизимли сиёсатнинг асосий йўналишлари қўйидагилар ҳисобланади: *биринчидан*, аёллар ҳуқуқлари ва манфаатларини ҳимоя қилиш, оналик ва болаликни муҳофаза қилиш соҳасида қабул қилинган қонун ҳужжатларининг бажарилишини таъминлаш ҳамда ҳуқуқий асосни янада такомиллаштириш бўйича чоралар кўриш; *иккинчидан*, аёллар ҳуқуқларини ҳимоя қилиш бўйича ишларнинг аҳолини доимий равишда ва комплекс мониторинг қилиш, уларнинг оилада, жамиятда ҳамда жамоат ва давлат ишларини бошқаришдаги ролини ошириш; *учинчидан*, аёлларнинг бандлигини таъминлаш бўйича самарали чоралар қабул қилиш ва амалга ошириш, уларни ишга жойлаштириш учун ҳар томонлама ёрдам кўрсатиш, аёллар орасида, айниқса, қишлоқ жойларида тадбиркорликнинг турли шакллари ривожлантириш; *тўртинчидан*, аёлларнинг ижтимоий-сиёсий ва ижтимоий-ҳуқуқий фаоллигини оширишга қаратилган тадбирларни ишлаб чиқиш ва амалга ошириш, аёллар нодавлат нотижорат ташкилотларининг мамлакатнинг ижтимоий ва сиёсий ҳаётида фаол иштирок этиши учун кўмаклашиш.

Бугунги кунда Ўзбекистонда Республика Президенти Шавкат Мирзиёевнинг бевосита раҳбарлигида аёл ва эркеклар тенглигини таъминлашга қаратилган ҳуқуқий нормалар янада такомиллаштирилмоқда[5: 341-352]. Мамлакат ижтимоий ва сиёсий ҳаётида аёл ва эркеклар тенглигини таъминлаш, аёлларнинг камситилишига барҳам бериш, бандлик соҳасида, маъорифий соҳада, соғлиқни сақлаш соҳасида аёлларни камситишни бекор қилиш, аёлларга эркеклар билан тенгма тенг фуқароликни сақлаб қолиш ёки ўзгартириш бўйича тенг ҳуқуқий таъминлаш, аёлларнинг халқаро ҳамкорлигини таъминлаш бўйича, қонун олдида эркек ва аёл тенглигини тўлақонли таъминлаш бўйича жиддий ишлар амалга оширилмоқда.

Бугун хотин-қизлар бандлигини таъминлаш ижтимоий-иқтисодий тараққиётнинг устувор йўналишларидан бири, халқ турмуш даражаси ва сифатини юксалтиришнинг муҳим шарти сифатида белгиланган.

Гендер нотенгликни келтириб чиқарган бош сабаб ҳокимият билан боғлиқдир. Ҳокимиятнинг эркеклар қўлида бўлиб келаётгани, жамият ҳаётини, давлат бошқариши ва шаклини эркеклар ҳал этиб, белгилаб келаётгани исбот талаб қилмас фактдир. Ҳокимият каттиққўллик, ақл қувлиги, узоқни кўра билиш ва куч ишлата олишни ёқтиради. Аёлга хос юмшоқлик, кўнгилчанлик уни қониқтирмайди. Ўрни келганда у таваккал қилишга ундайди, жанговарлик хусусиятига эга бўлган, довюрак, барча масъулиятни, юкни ўз устига олишга тайёр шахсга бўйсунди. Фақат меҳр-муҳаббат, эзгулик, ахлоқ тўғрисида ўйлайдиган киши ҳокимиятга эга бўлолмайди, эга бўлганида ҳам қўлида узоқ ушлаб қололмайди. Камдан-кам аёл ҳокимиятнинг ушбу талабларига жавоб беради.

Демократик жамият учун қайси жинс вакилининг эмас, балки қандай фазилатларга эга шахснинг давлат тепасига келгани муҳимдир. Бундан кейин жамият ҳаётига бир жинс мутлақ ҳукмронлик қилолмайди. Аммо давлатни бошқаришда қайси жинс вакилларининг мавқеи юқори эканини ўрганиш гендер фалсафасининг вазифаси бўлиб қолаверади.

Гендер нотенглик гендер муносабатларни баҳолаш ёки ўлчашдаёқ содир бўлади. Ҳар қандай тадқиқотчи уларни ўз жинси нуқтаи назаридан баҳолашга интилиб, гендер нотенгликни бошлаб беради. Ушбу нотўғри ёндашишдан қочиш йўли БМТ томонидан қабул қилинган инсон ҳуқуқлари ҳақидаги нормалардан келиб чиқибди.

Гендер нотенглигини бартараф этиш барча халқлар, миллатлар мақсадига айлангани эмас. Айниқса айрим Осиё, мусулмон мамлакатларида патриархал муносабатларни қўллаб-қувватлаш ҳаёт тарзи бўлиб қолмоқда. Махсус тадқиқотлар натижаларидан маълумки, айнан ушбу мамлакатларда аёллар патриархал муносабатлар, яъни эркекларнинг устунлиги қўллаб-қувватланган. Бу ўринда аёлларнинг гендер нотенглик масалаларидан яхши хабардор эмаслиги ва “тайёрга айёр” ҳолда яшашга қўниқиб қолгани намоён бўлади. Ижтимоий-сиёсий ва ҳуқуқий нуқтаи назардан ушбу ҳаёт тарзини қоралаш мумкин, аммо этномаданий нуқтаи назардан уни қоралашга асос топиш қийин.

Гендер муносабатларининг демократлашуви жамиятнинг демократлашувидан айрича кечмайди, улар бир-бирига диалектик боглиқ жараёнлардир. Аммо, гендер муносабатларининг демократлашуви жамиятдан узоқ, зиддиятли кечади. Жамият муносабатларини йўлга қўювчи сиёсий-ҳуқуқий механизмларни тез яратиш ва аёлга тез тадбиқ этиш мумкин, бироқ шундай механизмларни оилага нисбатан яратиш, айниқса уларни оилавий муносабатларга жорий этиш қийин, чунки уларда шундай мураккаб томонлар борки, уларни ҳеч бир жамият тўла назорат этолмайди. Аслида ҳам аёллар дискриминациясини гендер муносабатларининг демократлашувисиз бартараф этиб бўлмайди.

Ижтимоий-сиёсий ва ҳуқуқий нуқтаи назардан аёл ва эркак тенгдир, бу соҳаларда гендер фарқларга ургу бериш мумкин эмас. Таълим-тарбия олишда ҳам аёл ва эркак тенг ҳуқуқларга эга, аммо иқтидорни ривожлантириш жараёнлари гендер фарқларни ҳисобга олишга мажбурдир. Педагогика нафақат ҳар бир шахснинг индивидуал хусусиятларини, худди шунингдек, гендер фарқларни ҳам ҳисобга олиши даркор. Бу аёл ва эркакни бир-бирига қарши қўйиш учун эмас, балки ҳар бир жинсда табиий интилишларига мос келадиган жиҳатлар, фазилатларни ривожлантириш учун керак. Ана шунда педагогика ҳам схоластик ёндашувлардан воз кечиб, янги поғонага кўтарилиши мумкин.

Аёлларнинг сиёсий ва ижтимоий-маданий ҳаётдаги фаоллигини оширишга қаратилган феминистик ҳаракатларни қўллаб-қувватлаш мумкин. Агар давлат ва жамиятни аёллар бошқарса, зўравонлик, қиргин ва урушлар бўлмайди деган қарашлар ҳам мавжуд. Бироқ ушбу қарашлардаги аёлларни эркаклардан ажратиш, ҳатто улардан устун қўйишга интилишларни қўллаб-қувватлаб бўлмайди. Конфронтация эмас, консенсус, устунликка интилиш эмас, балки ижодий мусобақа, интеллектуал рақобат керак. Аёл билан эркак ўртасидаги фарқларни матриархат муносабатларни яратиш билан ҳал этиб бўлмайди. Ҳар қандай феминизм аёл ва эркак ўртасидаги гармонияни мустаҳкамлаш, ривожлантиришга хизмат қилиши вожиб.

Албатта, жамият ҳаётида ҳар бир нарсa ва ходиса ўз ўрни ва ролига кўра аҳамиятлидир. Шундан келиб чиқан ҳолда, жамият ҳаётида эркаклик ва аёллик муҳим кадриятлар сифатида инсоний мазмун билан тобора тўлиб ривожланиб бормоғи ва айни вақтда эркаклар ва аёллар ўртасидаги муносабат шундай гармония касб қилиши керакки, у инсониятга гўзаллик ва бахт ато этсин.

Хулоса қилиб айтиладиган бўлса бугунги кунда аёлларнинг тенг ҳуқуқлилиги борасида нафақат Марказий Осиё ёки Ўзбекистонда, балки дунёнинг деярли барча мамлакатларида, бу соҳада қилиниши керак бўлган ишлар хали анчагина.

Хотин-қизлар деярли барча давлатлар аҳолисининг ярмидан кўпини ташкил қилади, шунинг учун аҳоли ярмининг ҳуқуқлари поймол қилинганда, амалда демократияга асосланган жамият тўғрисида гапириш қийин. Хотин-қизлар устидан зўравонлик муаммоси давлатдаги носоглом ижтимоий-маънавий муҳит ва янги ижтимоий муносабатларни яратишдаги қолоқликдан далолат беради. Гарчи инсонга нисбатан барча турдаги зўравонлик ва камситишларни бартараф этиш тақозо этилсада, хотин-қизларга нисбатан зўравонлик алоҳида аҳамиятга муҳтож, чунки бу ҳолат бутун жамиятга тегишлидир.

АДАБИЁТЛАР:

1. Шавкат Мирзиёев. Янги Ўзбекистон стратегияси. –Тошкент; “O’zbekiston” нашриёти, 2021. 464 б.
2. Ўзбекистон Республикаси Олий Мажлиси Ахборотномаси. 2018 й. (www.lex.uz)
3. БМТ Бош котибининг Минг йиллик маърузаси. – Тошкент, 2000. – 52 б.
4. Шавкат Мирзиёев. Миллий тараққиёт йўлимизни қатъият билан давом эттириб, янги босқичга кўтарамиз. Том 1. – Т.: «Ўзбекистон», 2017. Б. 341-352.
5. Қандов Б.М. Глобаллашув жараёнида инсон ҳуқуқларининг ижтимоий-фалсафий таҳлили. Фалсафа доктори (PhD). ... дис. автореф. – Тошкент, 2020. – Б. 60.
6. Закирова Г.В. Ўзбекистон матбуотида хотин-қизлар ижтимоий-сиёсий фаоллиги масалаларининг ёритилиши (босма ва интернет нашрларининг 2014-2020 й.й. материаллари мисолида). Фалсафа доктори (PhD). ...дис.автореф. – Тошкент, 2020. –Б.58.

РЕЗЮМЕ:

Ушбу мақолада янги Ўзбекистонда амалга оширилаётган демократик ислохотлар гендер тенгликни таъминлаш ва аёлларнинг ижтимоий турмуш шароитларини яхшилашга қаратилганлиги ижтимоий-фалсафий таҳлил этилган. Гендер тенгликни таъминлашда нотенгликни англаш, нотенгликни бартараф этиш механизмларини ишлаб чиқиш, гендер тенглик идеологиясини яратиш, гендер тенглик идеалларини шакллантириш каби мураккаб босқичларни босиб ўтишга тўғри келаётганлиги асосланган.

Калит сўзлар: Янги Ўзбекистон, аёл, ҳуқуқ, аёллар ҳуқуқлари, тенглик гендер тенглик, хотин-қизлар фаоллиги, ижтимоий, ижтимоий турмуш, жамият, демократик ислохотлар.

РЕЗЮМЕ:

В данной статье представлен социально-философский анализ проводимых демократических реформ в Новом Узбекистане, направленных на обеспечение гендерного равенства и улучшение социальных условий жизни женщин. Он основан на том, что гендерное равенство должно пройти такие сложные этапы, как понимание неравенства, разработка механизмов устранения неравенства, создание идеологии гендерного равенства, формирование идеалов гендерного равенства.

Ключевые слова: Новый Узбекистан, женщины, закон, права женщин, равенство, гендерное равенство, женский активизм, социальная, общественная жизнь, общество, демократические реформы.

RESUME:

This article presents a socio-philosophical analysis of the ongoing democratic reforms in the new Uzbekistan aimed at ensuring gender equality and improving the social conditions of women. It is based on the fact that gender equality must go through such difficult stages as understanding inequality, developing mechanisms to eliminate inequality, creating an ideology of gender equality, and shaping the ideals of gender equality.

Keywords: new Uzbekistan, women, law, women's rights, equality, gender equality, women's activism, social, public life, society, democratic reforms.